

O Club de Lectura Lendo Contigo recibe a visita do escritor Manuel Janeiro

Escrito por Redaccion @valminorinfo
Xoves, 25 Novembro 2010 23:29



O sábado 27 de novembro terá lugar a sesión mensual do Club de Lectura Compartida Lendo Contigo, dedicado a nenos e nenas de 8 a 12 anos, e seus pais e nais, e organizado por Espazo Lectura.

Nesta ocasión, o libro do que se vai falar é *A abella abesullona*, do escritor Manuel Janeiro (Galaxia, 2009).

O autor estará na Biblioteca de Gondomar. A cita é o sábado ás 12.00 horas.

O libro

A abella abesullona é un libro que conta a historia dunha abella disposta a pasar á historia a base de preguntar e preguntar e preguntar. Trátase dun becho fascinante que está rodeado de multitude de animais que amosan a riqueza existente na natureza.

Un volume divertido que lles ensinará aos máis pequenos como se pode chegar a ser máis autónomo cada día e decidir por un mesmo. Neste volume, ademais, descubrirán como se comunican as abellas, a súa linguaxe e aproximándose ao seu mundo e a outros que conforman o seu ecosistema.

O autor

Manuel Janeiro (Madrid, 1951) é, se cadra, máis coñecido como deseñador que como escritor.

O Club de Lectura Lendo Contigo recibe a visita do escritor Manuel Janeiro

Escrito por Redaccion @valminorinfo
Xoves, 25 Novembro 2010 23:29

Así e todo, a súa primeira publicación, o poemario en castelá Primera edad, viu a luz xa no ano 1976. Ata o 2006 non publicará o seu primeiro libro de narrativa: Pucho, o habitador dos tellados (Premio IBBY, 2008), ao que seguiu en 2008 A fada das lapas. Con A abella abesullona sobe un chanzo máis que o leva a se converter nunha das voces máis singulares da nosa literatura infantil máis interesante.